

研堂詩續彙卷一

宿鳳亭外史楊維禛素堂感作集

男顯校字

澹香池上集

戊子二月三日招芋莊西林舊叔鐵州飲幔閣

追和東坡是日點燈會客韻

花散修羅冷艷天空壘何計鬪雄妍暫拋香夢玻璃枕

是日戒書眼
本千金月令

來看虹光書畫船

用山谷語

雅令智囊徵百字堅盟

心印泐長年得閒促鄰非容易座上春風轉化元

白下歸舟

八月二十一日

研堂詩續彙卷一

一

此生塵網事脫却便脩然酒索銀餅滿城將鐵甕穿素

娥邀夜半黃雪遲

去聲

庭前稚子應相笑囊空賸一編

己丑二月應邑令澹齋謝公之招監視賑濟因

過王裒嶺下蓼莪菴時內制未祥尚廢吟詠歸

久之兒曹請開詩戒追憶賦此聊以紀事而已

宅憂忽任事蒿目恤時艱上以圖報稱下以慰慈顏土

王去

支首歲旱潦實連絲鳩形與鵠面遮道羣呼天

天子達下情開倉發官錢就地給粥糜責爾司牧賢箠

億難獨理桑梓切恫瘝迺及向隅人分料震澤邊此事

無他要濫尅兩弊蠲土豪不可徇胥吏當爲開計口散
維均實心俾惠溥凌晨寒氣逼日晏退食愆予敢自曰
勞公爾忘私焉稍間問蓼莪孝子王裒傳終身不西向
完節爲親冤忠孝總一理易地則皆然小人已無母中
堂尚几筵不才敢負人歸告應鑒原補此鴻鴈詩即當
蓼莪篇

蓼莪菴追步內伯孫承公韻

紅雨非吾意綠陰何處屯雲籠山畔閣鳥掠水邊邨煮
芥幽人辨挑蔬佛子渾獨餘枯樹淚反袂灑松門

研堂詩續彙卷一

二

過馬跡山神駿寺

靈山舊跡絕紅塵神駿新題出紫宸萬頃湖光浮樹
杪千竿竹翠障陽濱空門何有名韉絆大藏應窺般若
真階下白華如積雪看來恰稱素衣人

闔閭城

已上同
前追賦

城裏吳儂作異聲

有城裏村土人
呼城如橙音

辨來却是闔閭城堞高雲

影功何在水落山蹊恨未平覓粟飢烏誰得所拒人寒
豹更無情此行祇爲頒膏露野草幽花幸向榮

和呂鐵州題倚樓原韻二首

方謀一室共都梁先掃新樓置石牀牆壁圖書留古伴
乾坤几席用誰商捲簾平倚千層玉闕牖遙迎一段香
我有蝸廬呼幔閣高情爭及水雲鄉

午橋重築笑徒勞只此僊居足辟囂帶玉門庭仍小小

掃花歌管尚聊聊

樓下有掃花徑

望雲豈必攀高鳥得月何妨聽

遠條相賞無多松石意贏他有翼傍煙霄

酬雲間張醇邨來示見懷之作

殘英任翻階仗雨苦施簿負疴搜黃庭枯坐甘瓠落何
來剝啄聲有客慰離索詩盃困未能啜茗當深酌幾時

研堂詩續彙卷一

三

奮衷呼重踐香山約

病起擬續舉雅集以茶當酒因和香山先生寄

賈常州茶山境會韻

張醇邨夏瞻圻來會以予病別去有約再至故遲之

炎飈苦扇芳銷日短策聊扶病起身客興未酣徒再宿

甌香有味尚先春挨肩甲子看依舊

醇邨與予同庚而長

放膽文章

出斬新

瞻圻序雅集編

若問詩禪誰上座宗師還是隔年人

感謝明府去官

名清裁號澹齋閩人

此邦宦罷亦時聞幾見縈懷似使君兩字持平鈐小印

案續問俱有小記其文曰持平

一文卻絕傲孤雲人號借寇公心在日約供

蔬報德勤歎彼歸船猶載月清風空袖滯江濱

壽內女甥黃節婦

貞潔之名古今慕諛詞綺語何堪布一言徵信自千秋
親串深知歷如訴龔家有女蘭蕙苞于歸江夏匹英豪
兩期角枕光璀璨獨旦孤衾賦髣髴由來樹節仗有子
影隻形單誰似此奉饋雖然娣似賢承桃只爾羣釵是
蓼花梔子苦相偎日久冰霜倍凜哉春泥寒梅衣點雪
秋耽夜杼蠟成灰巾幗居然丈夫志湖厥源流鍾淑氣
尊璋令母鴈行排山妻也屬同羣季嫁時姻婭喜聯翩
忽忽卅年鸞鵠異今朝桂藥發天香寶婺星輝進一觴
梧雨南山天爲去霽轉悲爲喜休徬徨

重九後三日吳門寓中坐雨有感

重陽已過偏風雨客舍無聊更鬱陶薄笑秋雲猶變態
妒因晚桂轉加饜非無山好遲遊屐爭奈疊空怕讀騷
中散作書寧太激來朝歸棹趁持螯

玉峰曉望

山如玉立玉何存拾得玲瓏綴瓦盆鶴叫空天渾一色
雲來別岫化無痕浮圖地聳三摩現文筆峰尖萬象吞

楓葉蘆花等閒事快看湖海起朝暾

十月十二日過虞山攜次兒燦登讀書臺一眺
喜而有作

小春佳興泛吳船攜幼登臨豈偶然香稻正叢黃雀陣
好風時送碧雲天振衣絕頂方剛日曳杖孱顏未艾年
爲數歸期應不遠熊罷叶夢又成篇

時燦兒賦采芹
兼有震索之望

己丑除夜

素冠積雪共皚皚拜罷靈筵夜漏催有子可能添意氣
誰家猶競賣癡獸不貪附熱盆頭火且盡

范石湖分歲詞頭
角長成添意氣

研堂詩續彙卷一

五

驅寒藍尾杯暮景杜陵期已逼傷心常侍鬢將頽

庚寅元旦

報晴鵲起夢初回眉鎖凭牕且暫開蓮子一盃兒婦饌
楊妃幾朵女孫材屠蘇末坐思前事旛勝新裁讓小孩
瞻拜飴庭悲復喜依稀此月抱曾來

爲顯兒
致禱

二月一日容城寓齋卽事

華陽古道數間關極目駒驪山外山帘颭晚風歸噪急
塵清春雨客心閒嘗茶小憩疎林裏蠟屐聊行委巷間
見說飛仙枯杖在

里名昇仙有枯樹一株相
傳爲張三丰遺杖所化

桃源窈窕幾時還

客遊甫歸蘭草競秀見香山舊像寂寂小有齋
中呼兒曹酌一卮私祀用薦清芬遂借義山木
蘭詩起句并步其韻蓋紀時日也

二月二十二蘭畹放晴初客子方稅駕先生久索居一
枝供獨獻有酒抵盟書莫漫紉秋佩那堪止聖車石磁
涌澤永香粉賸膏餘旖旎江頭帽溫柔夢裏裾迎暉心
頗嫵承露影偏疎子弟誰相肖臣今老尚如

飲呂鐵州玉蘭花下次陳西林韻

春花如錦復如蓬冰雪偏凝二月中氣合楚香無點滓
肌分漢媛有餘豐補亡漫說跌為絳本草應呼筆未紅
莫怪杯深猶惜別橋邊移影亦瓊瓏

研堂詩續彙卷一

六

三月二十四日續祀香山先生於草堂仍履道

會期也拈集中送楊給事赴常州結句毘陵何
限春作起各賦五古一章又和晚春閒居答楊

工部楊常州寄詩茶原韻七律一首

有引

前歲隨菴又學羊莊相繼仙遊南樓舊叔輩遠走
日下予又喪母輟吟詠雅集之舉未免寂寥茲陳
呂二君策予躋弛會庶菴挂錫而歸更得孫子園

臣王子彭巖呂子尚綸促席談心便成佳會爰賡

遺調以侑先生一觴云

又摘香山句作起
各賦紀年吟以附

毘陵何限春花國尤未了鸚鵡喚妝殘蜀魂啼淚早惟
有傾城花送春顏色佼青蓮種擅竒數枝物貴少良朋
每相叩比年花事杳盛衰各有時彭殤此中討賢達欠
厚福庸夫未必天常諷醉白篇無聞善自保稽呂與雷
陳坐守看花老新知補別離塵情一切掃趣我酌香山
恰值花開巧薦馨不折枝千朵一望好特憐玉版白雅
稱衣裳縞餘事只故例櫻筍亦草草嘗羹痛云亡中心
恚如擣

研堂詩續彙卷一

七

柏米鋪階人未掃柳綿飄瓦又風斜追蹤鶴髮今朝會
巧倩金盤昨夜花

用坡公前一日於
吉祥寺觀牡丹事

客到便宜惟煮筍雨前

無事只謀茶青苔踏處留春在吟即生涯醉即家

紀年吟

行年四十五兩鬢半蒼蒼庭花朱粉心羞對浪說楊枝
春晝長霜髭笑倩柔荑鐫瞥眼鬢髮相繞獵可憐青鏡
太無情還仗金樽照後生半捲湘簾檐鳥靜隔牆聽得
賣花聲

竹醉日醉吟同人集青山莊追步香山先生勸

酒十九韻

陶公愛酒歌止酒不傳去聲姓字傳同上五柳白公亦托醉

吟埋知止何妨勸酒來好味大懼只自足年光白日胡

相催我曹仰跂萬不及叶坦率料應無彈射纔過五五

月將盈不速三三主與客莊為徐甥祖居時亦在座凡九人此飲拚泥共竹

迭竹醉又謂竹迷放眼看山飢眼飢醉吟傳中有放眼看青山句分憂肯告何司隸

帶索能甘榮啓期耽穠心情流水逝杯中奪錦踰登第

供奉何曾與曲江解貂市上風誰繼老髯蕉葉抵巨觥

研堂詩續卷一

八

座客酣適時縱橫晉唐宋間七百祀敦槃宜裕四先生

擬合享陶李白蘇物換風移人變態常抱遺編典在讀罷浮白

填精神盛年不再終何待拂拭南邱舊釣綸野樵為侶

農為鄰引壺堪對龐眉叟把醖無須翠黛人蘆溝車馬

緇塵湊崎嶇况味知猶舊蝸角俄成虎兕爭蠅頭突起

龍蛇鬪良友當年一榻休露臺涼月心悠悠試問金門

待漏者何如白版醉鄉侯

偶訪彭巖留飲竟醉次韻口占一絕

禍衣五月雨如絲那得心情醉聽鷗却遇山陰愛竹者

一壺剛煖又呼兒

仲夏靈雨效香山新樂府體成江南民篇

江南民命繫豐歉麥秋呼吸尤難緩

叶火遠切

一年大水兩年

乾十室九空綿力斷

叶多卷切

今年二麥王

去聲

異常人人指望

盈倉箱上天刑人豈刀鋸轉瞬風雲起禍殃却憶廉纖

春甲子占云麥爛并蠶死聞道湖州蠶失眠可憐吾地

麥將雜官家循例略停忙專待賣麥來完糧大家小戶

齊白手秋徵何計免桁楊況有流離命如綫米價常高

麥不賤兒啼女泣欲求餐麩皮餅餌影莫見嗟爾農命

研堂詩續蔓卷一

九

胡窮眼看垂垂棲畝中縱然雨霽聊收拾入口為茨定

嘔胃更慮盈虛數相敵插秧時節無涓滴君不見唐時

杜陵叟禾穗青乾麥苗朽尚添食肉狼豺狼稅完蠲勝

方下走天心輾轉困生民難恃連年賑貸恩

香山新樂府有太行路天可度兩篇皆為人心

不測而發由來久矣今有甚焉隳括其意作松

杉篇

松杉在山性本直截作榱題故卷曲

叶

人心生初無黨

偏紛紛涉世遂攀援攀援濫處忘秦楚朝為敵今暮乞

憐吁嗟覆車鑒前轍彼既鮮終此必愆勸君莫結客結
客多蜂螫勸君莫附權附權若冰山不見翟公署門笑
薄俗子京揮制胡厚顏安得竇嬰之座皆灌夫光武之
榻容嚴陵死生不移真交情

曲檻之外蕭蕭數竿寓目起興得新竹篇繹香
山母別子之義也

新竹放梢過十尺舊竹焦頭風淅瀝新竹猗猗最可人
清陰弄影占朱門朱門豈無閒草木不是相形不見嗔
獨有舊竹苦相傍主人咄咄斧斤向哿矣裁爲曝物竿

研堂詩續卷一

十

傷哉付與炊煙葬新竹新竹漸成林多情年少盡題襟
亦思舊竹初篁日一樣丰姿也稱心舊者如遺新者續
世間情種皆斯屬須知竹易產龍孫新竹明年即舊竹
遊東臯得林間鳥篇鑒自投網羅也

林間鳥林間鳥乘風逍遙遊正好川中魚川中魚隨流

蕩漾樂何如原知遠去縉繳原知避釣鉤非貪香餌非

求食自有菟裘可以休一朝刷羽耀苞采弋人有慕張
羅在夜半聞聲覓伴游漁師最巧設網謀自入網羅身
不有回首邱園難正首縱然金籠上與華池須臾刀俎

由他手紛紛魚鳥各偷春豈定潛淵飛上旻斤鷄游儻
思溟渤禍機卽與妄心鄰乃知不是網羅圖魚鳥無非
魚鳥自戕身

有所見得魚目篇惡贋之亂真而不自疑也

魚目溷珠珠自貴碣硤溷玉玉何害叶但恐人間不辨
贋與真甚至泥丸瓦礫都紛紜泥丸胡似珠瓦礫胡似
玉咎在庸夫徇耳以爲目遂令轟傳動五都居之不疑
頗自足磨光澤粉欲欺人看來畢竟少精神鑒家豈盡
盲眸子何須饒舌硬求珍若然真贋終無辨贋者居奇
真者賤所以鮫人泣贈惜其寶卞氏呼冤先灼見

研堂詩續彙卷一

十一

遣懷

爲亡妾

輪迴幻說是耶非顛倒徒勞衡者機千古彭殤柯一夢
三生鶯燕操分飛蒲團默懺嚴更靜羽扇輕揮悲火微
不是從今偏薄倖朝雲解偈已西歸

酬諸公置酒見慰并和拙詩因疊前韻

今何曾是昨誠非坐挹蘭香靜息機腐草休憑螢作舞
漆園儘化蝶空飛醴分玉液仙源近花惜紅顏佛笑微
庭有佛見笑
春時極爛熳老去祇餘朋好戀任從樊子逐春歸

秋楔日醉吟同人泛舟千畝岬邊效香山先生
被楔洛濱限八齊五言排律十二韻

二七新秋日蘭亭即野隄一溪鷗鷺靜千畝秫秔齊選
潔流侵北占年風帶西放來蘆豎棹聽過月城雞索茗
呼舟子除冠付酒奚人同蘇嶺嘯竹共子猷題
剝芰憐紅角劉梨賸黑臍羽觴金兔映油幕玉繩低倒
戴判沾露褰裳豈顧泥寒蟬收語絮衰柳起思悽嬉水
原無意臨流却醒迷孟蘭明日事忍爲被襍稽

久旱苦熱中元日大雨快集遂初堂次坡公和

研堂詩續彙卷一

十一

張昌言喜雨韻二首

同西林鐵
州尚綸作

入秋半月猶炎夏曉起明霞換黑雲捲屋風來先發籟
侵階水漲自成紋羸程且縱荷筒冷盤礴方貪芷箭薰
總是蒼翁仁愛處名亭誰與繼蘇君

遲客茶瓜慰索居催詩興雨莫徐徐已回銀漢將蘭棹
好趁金風又筍輿促織暫寬新婦嬾提壺連喚老農趨
東南財力人愁竭大有今年望特書

閏七夕醉吟同人集鐵州元復堂因讀香山先
生長恨歌賦得耿耿星河欲曙天一律又作絕

句四首

鵲橋未斷雲先散
羲馭還遲夢不留
半晌披衣猶掩面
幾番推枕又凝眸
翠帷遮處疑燈醒
絳幘啼時認月浮
正是驪宮私語後
千秋此刻不堪愁

兒女心情豈憚煩
忙尋針縷倍前喧
縱笙遮莫重提起
蛛網憑誰再試番

芻尼不信仍填石
營室訛傳又聚蟲
卅夜天孫雙度嫁
世間莫道是文君

斷緣自昔勤思續
得巧於今不厭頻
偏許標禪聊復爾

研堂詩續彙卷一

十三

未須曬腹更欺人

仰天密誓竟如何
匝月魂來兩夕磨
縱使三年增一會
可能銷恨已無多

又賦得耿耿星河欲曙天

代

沁涼庭院小牕幽
玉宇微茫辨色不
烏髮已稀猶灑淚
葵心將向又垂頭
餘歡那忍拋雙枕
同夢何曾到十洲
最是褰帷含睇處
新愁散滿一天秋

梅林 有序

予與庶菴遊凡五載矣始於丙戌之隙為壽白之

會自此倡和不輟中間雲蹤無著契闊有日今年
春從嘉山返栴林會予仍履道故事復拉入社詩
壘增壯同志迭爲賓主迄秋已匝一巡庶菴謂予
曰某故方外獨不可邀香山先生之靈以辱諸公
乎遂諏臆臘日烹菴薦新歇梵鐘而催吟鉢因誦
古德殷勤抱得栴檀樹句庶公先成二律在座即
分前句爲韻以繼聲焉

又用香山寄韜光禪師句
作起并效其體共聯長句

得得字

栖雲有地休言仄一灑天漿大千墨

樹深疑有雨屋小
可栖雲庶公佳句

風好

研堂詩續愛卷一

十四

摧松入夜叅石堪鐫佛當機識乾坤囊括看呵呵山水
瓶空羞得得鳩杖何須待晚年便應歸此生彌勒

聯句摘附

交蒲巷裏伊蒲饌青果行

枕音

邊佛果雲一粒嘗新蟻戴

粒七斤叅透象知斤

追錄觀蓮九字詩

代

深山不問花間紅露墜破衲有綠扇底碧天涼厭殺聒
耳沿池迎鼓吹喜看畫眉懸柳引笙簧若令大家居士
澆瓊液更賸若箇閒人點蟹湯會得七斤省趙州註脚

移來一瓣酬白傅詩腸且休言藕絲孔極樂界須記取
眼前是白雲鄉

雨中詠桂

庭前雙桂樹手養十年於香襲非雲外蟾移到枕餘閨
秋苞孕足一夜妒風疎天意人間事揮金要土如

小春舟次虎阜得金菊以歸值尚綸見招同人
畢至即攜以共賞酒邊紀事用尚綸秋聲韻

陶家三徑遊人冷花市團團帶圍影歸來我友送窮秋
同好堪公異種幽鷗盟結念原屬此借酒相看聊復爾

研堂詩續彙卷一

十五

只須取醉兩三枝何用圖南九萬里素絲易染墨子悲
玲瓏一擲組珮垂今用陞官
勸酒圖功成早退今宵事莫使挑燈

人皺眉

尚綸近
歲納姬

過錫山閱明初真性海禪師竹爐詩卷見吳匏

菴錢鶴灘陸龍臯諸先生題詠甚夥有志效顰

而逡巡焉既歸獲展庶公梅林圖冊輝映後先

欣賞不置因用原韻以識二首

庶公本龍臯
先生八世孫

第一流評第二泉清香巧倩此君煎製翻鴻漸千年後
名壓龍峰十世前林下留題多絕調禪餘把翫任高眠

幾番得失叅蕉夢細錦裝成趙璧全

近中丞宋公什襲付山僧

曠絕情懷讓老禪兩朝相感勝同年臥遊雲窟泉流近

虛聽松聲月影媚七十三人成往蹟記前朝留名卷中者詩書畫友

叶良緣圖為同社王子彭巖筆竹爐手卷梅林冊留與千秋一樣傳

庚寅十二月十七日立春即事

亭前嫩蘂發枯槎九十春光二七賒烏鵲報晴驚曉夢

青牛占歲樂田家三餘課子分陰惜一晌留賓刻漏加

尚綸見過曆數新年恰半百懸知殿上已簪花用宋隆興二年是日立春事

辛卯正月二十日雨阻壽白之祀越四日同人

研堂詩續彙卷一

集草堂補行張燈以侑限賦五律春宵二韻

六載延尸祝千秋長慶人梅紅樊口吐香裊柳腰伸老

伴情懷舊晴光物色新補天移此日補天穿本正月廿日江東俗以廿四日增作

上元春

彌旬須我友會別只今宵暹彭巖方至又即有補陀之行燈火星躔聚人蹤

萍梗飄興來雲一甕坐抵月三橋自古祈黃耆何曾大

斗饒

辛卯四月八日得孫彌月誌喜二首嶂出

豈是瞿曇有宿因涌蓮七步及茲辰坊誇富貴非吾想

市訝神僊竟爾真祖硯香留欣可託柴門松老冀重新
弄璋何物差堪代篋裏金錢月一輪

葵榴鬪錦艷如春親串相期彌月辰穰穰文壇遲酒國

呱呱樓畔望江津

時兒曹以試事滯江上

賺他湯餅書三宿

鐵州

助我

雲山抵萬縉

彭巖

昨夜池亭霖雨至髯翁有喜倍含嘔

九月二十六日白門歸棹攜顛燦兩兒登金山

仍用前度十一尤韻

攜幼登臨老興稠順流重過此山頭十年蹤跡渾如醉

一覽風光總是秋名搨舊觀全韞匱

覓筴江上先生石刻不得

梵宮新

研堂詩續彙卷一

十七

禁半妝樓何當舟子催歸急咫尺翩躚未可求

欲往焦山祈夢未果

長至前五日偕尚綸約同人小集閱宋邵堯夫

所題壽星圖中有世俗傳寫失真之感因推廣

其類如干種即用分題得鍾進士圖

終南進士攫鬼手胡爲鬼形先自醜藍袍破帽本其真

觸階有恨人知否畫師翻寫紛流傳執笏張蓋強听然

畢竟鬚眉不可改怒目奮劒鬼膽寒勝朝賜筆匪彝思

展卷研硃鬼爲侍卷中題句說明良曠代知音杼齋志

輟武修文及第魂一德太平除耗誓

已上六語紀明宣廟寫賜東楊者

吁嗟

醜容未必真真醜未必畫世上妍媸何足憑筆底波瀾
千變化君不見長安游俠妝少年東塗西抹裘馬翩

壬辰正月二十送呂四尚綸之南昌

之子洪都去吟壇少盍簪梅堪當柳折杯尚泥燈深菜
戟虛高座奚囊有國琛一帆何必助下榻自傾心

四月十二燦兒生子仍用前小佛彌月辰字韻

阿兄剛睜弟生辰玉樹樓前歡笑頻浴佛有靈聯抱送
徵蘭無夢亦堪珍敢誇珠顆一堂聚且喜螽斯兩代詵

和氣致祥家訓在明年豹隱又麟振

豹隱齋名
顯兒所居

研堂詩續彙卷二

十八

五日禁龍舟二首

上官何事酷相傾綵繒橫江恨未平豈是三閭終吐我
白雲尖上寂無聲

越王作俑刻舟聞以戲爲極好事紛不道今朝煞風景
邨姑省得借紅裘

戲祝荷花誕

和友
人韻

聞說吳娃蓮獻壽如何此日壽稱蓮歡心天寶人逾舊

天寶十五載是日崔圓
奏歲稔民安上夫悅

好夢江亭扇正圓

放翁是夜夢友同集江亭
有團扇家家畫放翁之句色

即是空寧徇俗生何曾滅更參禪莫言開謝崇朝事歲

歲靈椿比大年

清閼閣

刪改舊作

秋林淡如雲癖性潔於水高士非絕人小築避俗浼盟
頰祛纖塵琴書無點滓充類至庭柯偶污亦為洗吁嗟
陳柏言名累尚以米

哭佛孫

九月晦日

清眸方面好男兒五日睽離四日辭

子適過梁溪歸時驚症已劇

纔學語

時忽不語斷腸戲作

去

麴工時

甫期見家人造麴嘗戲學其狀

爾祖得男剛十九誰知衰艾且無孫盈虛易理從今悟

研堂詩續彙卷一

十九

有意還來產德門

研堂詩續彙卷二

宿鳳亭外史楊維坤素堂氏作

男顯校字

提扶集

癸巳正月遇雲間周軒三於容城話舊却寄

丹山有靈鳥間世耀羽儀得意鳴高岡不則擇地栖念
昔吾兩人抖擻出林西邂逅東昌道傾蓋艷陽時同行

爾元方兼得博物資

今兄策銘
張兄趾筆

入肆漫狎獵登樓覲遨娶

並轡入國門挾冊儀制司俛首就雕蟲磨礪互相師標
名伯仲間王盧証我嗤攜手謁知已均許華國姿毛穎

研堂詩續彙卷二

一

不遽脫敝廬願言歸揮淚各分手契闊誠無期條欵二
十載人事分雲泥伯氏久承明茂先亦金閨今歲大作

人徵會在駒驪與子遇廣衆鬢毛頗生疑諦眎知故人

摻袪到城隈更拉王子猷

謂范之

看竹先尋梅香膩不須若

清嗅坐忘疲衷曲山鳥解談劇庭景移君氣猶撼嶽子
先蒲柳悲結網良非疎命也與時違欲學蠱上九奚用

姑待爲只今出一決翻然巢深枝若復以身殉鳳兮德
何衰吾有芳茂山結茅可棲遲三卯九峰上令我長相

思

多稼亭觀禾

亭在郡治西北
今遺址僅存

漢重二千石食祿思民膏命駕時勸農燕處豈忘勞稽
昔郡廨圖臺榭實相高築亭名多稼寓目心忉忉勿爲
鶻遠遊勿爲聚賓僚牧民猶植稼公私害宜薙幸而天
降康嘉禾徧東臯公餘一散步彌眺黃雲饒霜檜老參
差聊以表後凋南軒與誠齋紀列良不祧故址幾千年
完圯從人遭靈光獨存不平聲 踟躕首頻搔

顛兒三十賦此勗之

古人稱壯自三十道將達者已而立憶昔予年值此時

研堂詩續彙卷二

二

江上文壇士鱗襲歸囊探取贈言多酣飲瓊漿飽珠粒
前後放遊約十年馳驟康莊頗喧吸比來懶癖欲杜門
一任乘車甘戴笠冉冉韶華十八春植兒三十行年及
禾苗先生者曰植
徐人借作長呼莫言正是年少時如予老大徒強澀萬卷
樓旁星斗移豹隱齋頭雲霧集雜佩親賢詩可風懸弧
矢志當負笈桂有餘芬菊又芳努力秋光脩綆汲

十二月十三日孫永郎生

燦出

卦氣臨開泰黃梅破萼肥清吟正高座譁笑徹中闈抱
膝思如舊舍飴慰庶幾不妨三日浴預奏鶴南飛

呈賀拓菴先生 甲午

昔傳我祖聯班讌 聞順治壬辰恩讌先生與大父同席 拂袖高風久共諳文獻

江東無有兩科名花甲又餘三華陽洞口餐霞遠海嶽

菴邊醉墨酣彈指坊開百歲到官家就訪不朝叅

陶朱千古不稱奇 送窮九

增上元 二十七十八

呼童今夜舞婆娑時合收燈興轉多不是儂家偏好事

連宵泥淖却如何

補天穿 二十四

研堂詩續卷二

誰將紅縷置茅檐煉石工賒遜餅廉豈祝秋收晴杲杲

是日為秋收日晴主百果蕃盛 還憐梅放雨淹淹

送窮九 二十九

掃除何事付漣漪笑殺當年韓退之若使送窮窮果去

陶朱千古不稱奇

西林陳大兄古稀之年春正賦此預壽

三十三年同硯友一陽初度一旬并 兄生於仲冬十日賤誕在七日 身宮磨

蠅何相似佛性鍵錘讓獨成階下蘭蓀周八士 兄有八男孫 帳

前囊笈馬千生紅梅愈比黃梅好遮莫春盤作壽羹

憂旱

祝融太作威旱魃亦已毒乃有偷閒人攜童狎鷗浴

桔槔何處施芄芄望霖雨穀賤故傷農穀貴將鬻女

聞雷已見虹啼鳩未出蛩天心豈不仁召自人心耳

瞻圻姪文話別

何事衝炎急上船鼠牙雀角苦纏綿叩君不盡家常話
聽我還叅內外篇幾陣清風能醒醉一林瘦竹可留賢

研堂詩續彙卷二

四

回思少小追隨日相對鬚眉各惘然

得尚綸見寄札

游戲春風偶客燕迢迢鱗羽昨纔傳從頭便述名韉苦
到底還思家食賢盡日颺塵吾舊熟三時燥烈獨相煎

時亢省
亢旱

小山作賦渾多事宿鳳同心敢直言

送顥燦兩兒省試

衰矣吾今且息肩秋風江月任童頑縫衣應共憐孃病
抱璞宜無似我慳筆陣破堅輕鐵甕詞源飛湧看金山
工夫未到難言命容易丹成九轉還

金陵紀遊 有引

曩見余幼峰先生有金陵雅遊詩二十章焦澗園
諸公屬和斯時古跡已有僅存遺址者矧今陵谷
變遷杳不可問而予又愧固陋未能追蹤姑就足
勤勞之所履目之所見隨筆遣興凡八首
出岫隨風燕子磯
奇峰呼燕子形勝翊京畿
王謝家安在江天爾自飛
峽
猶弘濟近亭豈大觀非萬頃茫無際忘機不解歸

靈谷寺

研堂詩續彙卷二

五

寶誌身何在山靈擁至今無梁諸佛穩一徑萬松深功
德廚中引琵琶掌上尋渾忘暮雨急明月是禪心

長千里

出城剛數武風景美泱泱鰲柱輝雲際瓊宮錯道旁庭
饒秋色艷池拂晚荷香自有盧仝興何妨太白狂

鳳臺門

鳳鳥何年至城闈獨擅名編籬連十里種樹足平生竹
密當窗翠梅開入帳清此中堪小隱焉用彼岡鳴

青溪

尋源自鍾阜一派接秦淮文秀雙橋畔清泓九曲涯誰
憐桃葉去恥與菜傭偕亭榭依然在風流半已埋

長橋

歌管繁華地於今柳舍閒隴頭流聲折樹杪月弓彎舉
網人猶聚揚鞭客可刪誰為游俠者長夜醉紅顏

周孝侯讀書處

城隅插巨石志士卜幽栖劒氣當年見藜光此日齊

今建閣祀

蟠根傍屋老趺坐嵌空低

石上有大士像

習靜饒經濟紅霞護

隔溪

研堂詩續彙卷二

六

謝康樂祠

晉代經綸望江東閩閱宗烏衣難復問鶴氅敬能共

羽士守此

彛鼎垂簾淨琴書設榻重鄰園無別景猶有六朝松

焦山即事用陳滄洲使君韻二首

凌晨呼棹過名山屈指前遊十載還鷗侶離羣雲障裏

燕雛放膽碧空間

時兩兒隨行

金經細閱應知悟鐵筆高懸不

可攀

宋張樞資金剛經石刻

折屐幾回思直上烏巾何處借頭閒

峰頂煙蘿倦未捫徘徊遺跡坐雲根鼎留蘭若前王重

觀周文鼎

銘發江端吾道存

盛鶴銘近日滄洲先生出諸江中豎立蓋亭其上

野鶴躬身如解意

山僧叉手自成尊那堪雨趣歸舟急白浪飛騰十丈痕
謁漢焦徵君祠祈夢

先生豈但煙霞客姓系江山萬古思愧殺終南猶捷徑
羨他天塹永中抵羲皇不逐蒲輪起保障偏教椒寢知
入宋帝夢
賜謚明應曠世有心休棄絕清風涼月夜深時

庭桂晚放

秋光強半送征塵金粟含苞未吐脣豈是姮娥深有意
留香匝月待歸人

哭全兒

中元
日場

研堂詩續彙卷二

七

吾父定孫行同祖排五字意謂六男兒平分三十稱吾
兄與吾季三人稱其旨叶予壯生四男早衰後乏孽壬
辰軫旦中筮室產一孽叶小字命曰全用畢子嗣計越
今行再期扶牀儘能戲性頗貪麴蘖把盃如乳嗜尤得
嫡母歡屬離略無異依燈頻弄影左右參求飮今夏太
鬱蒸瘵癘已久積秋來入膏肓一發不可治雙瞳胡炯
炯兩耳垂似特方期易長成六日溢焉逝豈爲顧復疎
非關醫藥事人生焉得全天忌想應避斑白婦人情昏
眊西河淚揮袂欲高聲恐傷堂上意

選映泉九月十八日選菊東庶菴啜茗戲效樂天寄韜
母平昨光禪師體

漫將二九閨重陽露已爲霜想傲霜

值霜降後一日

新圃何如老

圃好疎排却比密排強花留晚色刪中色葉有清香賽

異香止酒頗叅彭澤意相邀惠遠共茶槍

禮大士

瓣香合掌向毗耶髣髴圓通現彩霞酌水特供瓷白定

拈枝權倩鞠黃華原非請禱方投地豈必修因待出家

况有同心一奴子

謂

經魚梵磬喜無差

研堂詩續彙卷二

八

尚綸歸自都門見過快飲草堂即次其途中言

懷第一首韻

木落霜凝曉氣寒蓬門荒徑有誰看忽聞排闥疑珠履

還解行裝整鷗冠結伴當筵逢六逸

座間仿榕彭巖半樵俱善飲

論官即

事已三難

酒政却用陞官圖

青精酒熟黃梅綻相約逃禪絕野干

悼亡

全見生母

薄命紅顏自昔傳傷心於爾倍潛然因緣易了剛三載

母子相從在半年宿鴈寒鴉萬塚地淒風慘月雪花天

懸知泉路無他戀懷抱依依喚阿全

賦得雨中春樹萬人家

乙未

條風拂禹甸膏澤溢堯衢樓閣瞻瓊滴林園聽鳥呼新
枝青乍展嫩葉綠齊鋪野色添嘉蔭山容遍潤酥提筐
蠶女慕曳杖飲徒吁薛暈生滋厚藤蘿施音復蘇微行
雖不棄大地自堪娛耕耜如鱗集炊煙比櫛敷編氓安
可算極目約成都庶矣宣尼歎康哉古帝謨

送李使君歸景州

公名廷徵
號枚臣

古二千石師帥官天子慎選良稱難中吳要郡罕報稱
水濡火烈兼濟賢李侯下車頗整肅無情洞鑒心膽寒

研堂詩續彙卷二

九

懸魚載米清徹底茅檐夜月安枕眠撥開雲霧比冰雪
壓倒渤海方潁川需次奏最猶卧轍何意屬僚吏議牽
聞者驚愴撫心擗請留遮道羣呼天君門萬里誰上
達憐才破格世所艱皇華使者謝越俎郵亭號泣亦徒
然人生出處有定數難進易退襟懷寬先生本願遂初
賦徜徉恣意歸林泉

寄謝廬州司馬趙倦圃先生

名東旭宛平人午
秋題卷特荷拔薦

今古文章說芥鍼焚香撤幕聽升沉於陵寫賦千秋眼
歸燕投詩一片心操比冰壺人似鑑品同石丈墨如金

書法
精絕

不才敢望傳衣鉢長價龍門再獻琛

哭西林陳大兄

上元後三日

忽報西歸兜率天蘭陵學者自今捐遇賒尚父三千日
壽欠宣尼一二年介祝誰知即永訣彌留何故竟無言
從前繾綣曷勝記看到牀頭只淚漣

移梅歌

春光九十將及半雪花飄颻大如扇呼童急把盆梅移
置我閒齋休歷亂此花骨相非羣醜對之高潔真吾友
移自羅浮松嶺間分來姑射仙人手只宜清賞武夷茶
何用腥羶澆大斗梅本不怕雪雪亦堪梅偶但恐庸夫
掃雪損花姿錯怨春寒滋衆口

賦得紫禁朱櫻出上闌

盛代清和日天家賜物新味先梅杏熟品共筍茶珍火
齊非絲貫珊瑚不琢勻擎來光照眼散去艷生津百寶
周遭映繁星歷落陳委蛇稽拜下捧翫十分春

觀試射

衡文兼校武觀德在持弓世尠穿楊技人爭貫札雄望
侯心勃勃聽鼓氣冲冲若論先王意須知揖讓風

六月十五日口號

一慟天憐舊有聞於今青女竟無靈海蟾此日嗟何及
火宅門兵早自扃

訓雲間周軒三見懷原韻

廿載長安共整翰分攜肯令舊盟寒君猶戮力雲千仞
我已耽眠日幾竿得句想應浮大白揮毫那復用絲欄
緘來問策真無策惟有悲歌行路難

賦得荷淨納涼時

避炎何地可徜徉覓得芙蕖半畝塘翠蓋亭亭塵不染

研堂詩續彙卷二

十一

紅妝皎皎水浮光晚風微扇煩襟滌曉露初承片席香
便覺人間盡塗炭此身髣髴到羲皇

賦得秋蘭氣當馥

玉露金風卉木收幽蘭發箭轉看稠謝庭欲效千巖秀
屈佩能銷萬斛愁殘暑襟開清賞快初涼鼻觀夢魂悠
一年保護兼旬報那忍拋君作遠遊

出門

出門何所事祇為舊遊疎良友朋期久佳山水望虛輕
裝千里外恣賞十旬餘況有提攜子無煩舁筍輿

乙未五十自述

追步遂初堂集
中紀年十詠韻

百年剛半歲朝春蘭茁齋頭樂事頻但令飴含常抱膝
不勞糖餌漫垂綸酒懷已淡猶防醉俠氣難除且息嗔
讀罷南華養生主梅檐索笑幾回巡

幽棲何必結雲菴墨守先巢幸不貪竹產修廊仍个个

柏添荒徑却三三

先大叅手植七柏予補樹
二株因自號九柏居士

情移山水音何淡夢

到羲皇味自甘剝啄原疎今更少小窻獨坐放歌酣

偶然問訊便傾罇異姓雷陳勝弟弟俟後新雕屬二子

同學諸公為予評俟後
編顛燦兩兒得附閱焉

傳家舊物付雙孫

巳午聯
舉兩孫

折腰預擬師彭

研堂詩續彙卷二

十二

澤禁足空教負董園感激命遊金斗去遄歸幸免倚閭

門春初顛兒赴廬州謁薦卷
房師宛平趙倦圖先生

騷壇振起十餘年

乙酉冬始
舉醜吟會

氣槩凌雲落紙煙擊鉢尋常澆

大斗燒燈習慣罄嘉籩依稀碩果都空谷辜負名花不

直錢

客歲購得牡丹異種
而西林輩足音已稀

號小香山千古重何人重縱五言篇

予初祀白西林有小峨帽又小香山
之句又竹五古長篇贈予四十年日

希蹤尚子早知津叔季都能任采薪作底捋茶謀厚藉

從今嚼蠟視橫陳芒屨竹杖閒乘興鬚塵蒲團靜葆真

歎息年來鬚漸白那堪微逐世間人

憶昔長安悔所如，經秋團扇棄殘餘。時來越水輕撓載，
音在歷遍吳山薄。板車醉月臨淵拚，入底搏風絕頂賭。憑
虛於今力疾頻，回首只合南邱作佃漁。

池上吾廬八九椽，潛通小有引原泉。欄收雲影魚浮戲，
石覆花枝鳥穩眠。堪笑服官惟此日，須知學易在斯年。
一編悟徹循環理，何用丹砂葛稚川。

擬向龍峰度石堤，避喧難得武陵溪。行廚鮭菜隨時辦，
遊笈圖書任意攜。沽酒偏求昔酒處，家山原在此山西。

祖居安陽山

小春已過陽初復，雨霽推篷看曉犁。

研堂詩續彙卷二

十三

僧寮寂寂繞迴廊，簾幕重施不覺涼。釜煮青精攬飯色，
爐飄艾納和泉香。愛看獨立禽如雪，羞說平生劍似霜。
早晚談經消世慮，忘歸高卧且徜徉。

律管吹葭散冷風，衡門辟宿正昏中。薦糕待我歌其右，
採藥歸來識乃東。
夏枯草名乃
東冬至後生不變松筠凌雪翠，新篔簹

映霞紅原知親在，難稱老綵服先加禿髻翁。

家君性耽吟詠，素厭紛華。今屆五旬初度，決意辟跡。

山中不肖等牽衣莫挽，而又自慚檣櫓無以娛親。謹

將紀年十章登諸梨棗，敢冀知交前輩錫之琬琰。

彙成編帙以馳行榻諒家君必爲之解頤即不肖等
順志之一端也

男穎
燦等百拜謹識

研堂學長雞壇赤幟海內知名年來閉戶優游蕭然
高寄況庭椿尚茂而令嗣印飛瑜發輩已俱奮志激
昂孫行且鵲起矣今歲子月初吉屆五十誕辰同人
正擬一卮爲壽不意方秋即笑傲湖山俾我莫伸款
曲僅從諸郎君手得其自述詩十章讀之詞旨清幽
丰神超曠相其品格當在蘇仙白傅伯仲間此真有
得於中無累於外者予將偕二三知己依韻奉和以
寄之但龍峰之北安陽之西研堂方坐嘯於泉石煙
霞中聞仙音聽天籟恐尋常筆墨不足邀其一盼耳
同學弟呂廷鵠拜跋

研堂詩續彙卷二

十四

乙未新春捧讀研堂老叔自述詩驚才絕艷中含騷
激之況大都寓意友朋情詞惓惓計數十年來與家
君爲管鮑交看花對月接席聯輿過從之密蔑以加
焉昔年家君祀東坡於方庶常宅詩以紀事研堂叔
祀香山有醉吟之刻時家君紀事詩云小峨帽又小
香山其實錄也今研堂叔五十初度不願稱觴印飛

世長輩竭誠養志屬同人和詩開雕成帙以悅堂上
且命贅以數言因爲撫今追曩僭名簡末有自來云
通家眷姪陳潤拜手敬跋

附和韻

呂尚綸廷鵠

元亭蒼柏自長春未許交游剝啄頻檢點琴書忘歲
月平章花鳥見經綸惟憑疎放全天樂自古才名受
俗墮容我問奇時絕倒知君造酒會逡巡

避囂城市即蒲菴泉石心情不厭貪座比香山剛及

半眼看塵海又經三

研兄首倡醉吟詩社庚寅春招予入社賦詩時
同會九人兄齒居第五數年來知交零落世事

研堂詩續彙卷三

十五

推遷不勝
今昔之感

詩腸慣爾忙逾靜世味蕭然澹却甘幾樹黃

梅數竿竹捲簾風日正清酣

又

雲間

周荆山

鼎

脩然風索與花罇結客天涯遍弟晷月桂聯翩看驥

子霜毫揮霍付翫

平聲

孫朋來長日消碁局興至尋詩

過茗園都恐捉將東壁去驚猿怨鶴已排門

吳門陸方山文光蔡萊公爾正虞山衛霧巖文豹

同邑唐愚士襄鉅陳祖洲潤俱有和章四方諸君

子繼聲者並嗣刻

售錢還賸桃塢知心句
枯照蓮燈草大篇

先生昔年寓杭
花菴先大父息

開老人贈有佛燈
枯照草玄人之句

五

蓉江
夏南園元思

誰向桃源去問津
安陽遊興托樵薪
山花自爾隨名辨
野藪何妨雜品陳
長嘯鶴林抒逸韻
忘機鷗海任天真
他人儘道服官好
偏愛煙霞作散人

六

陳祖洲
潤

河嶽襟懷樂自如
丹鉛萬卷惜三餘
芝蘭得氣興賢第
壇社爭喧載酒車
紅餅讓他聊復爾
青萍傳後未

研堂詩續彙卷二

十六

為虛服官且喜頭還黑
薄海才名盛獵漁

七

唐愚士
襄鉅

小築精廬有數椽
論詩命酒傲平泉
塵心淨處尋真樂
世味嘗來合晏眠
雛鳳雲間方得路
大椿堂上正忘年
莫緣蒼髻功名懶
才思猶堪障百川

八

吳門
陸方山
文光

君才共擬步金堤
底事閒居問釣溪
三徑花開二仲至
一簾香繞七絃攜
尋幽曳杖龍峰北
挹爽登樓曲水西
有子傳經皆傑出
硯田留得好耕犁

雄才自合坐巖廊豈意高閒月地涼思奪天工逾錦
麗興酣臘味趁黃香栖雲築就心如水壽白堂開鬢
未霜馬齒少君剛匝歲相從盤谷且徜徉

十
釋梅林仁杲

草元手筆繼宗風物外心期洛社中硯古不須稽歲
月松生何必問西東燈王借座垂雲碧鹿女啣花笑
日紅塵宇蒼茫吾道在前身知是嘯嘯翁

附
和研堂見贈韻兼勗印飛 宛平 趙倦圃東旭

研堂詩續卷二

鴛鴦度處用金鍼老隱江濡歎廢沉敢企孫陽千載
識難忘季子昔時心家風自合人如玉聲價應知重
等金好向昭王臺上去從來南國產奇琛

追錄 奉訪研堂序年恰同丙午因讀四十初度詩與諸

公俱用宋人句起韻不揣鄙陋擬附後塵率成四

韻補和 丁亥 華亭 張醇村榮源

潞國同生丙午年君才突過古名賢著書鑿齒還非
匹論事長頭敢踞前旅榜尋盟欣倚玉吟窻雜坐羨
栖玄半生蹭蹬慙雌甲鴈序交情荷讓先 賤辰在重九

閒步小香山五首 有引

子年五十頗有出塵之想自秋孟即築小香山四
踰月而成龍峰歸後辟喧於此爰疊句以紀之

閒來步步小香山咫尺家居遠市闌遇雨莫愁屐上齒
臨風不響杖頭鏗然燈打鼓湘簾下把卷焚香木榻閒
却有聽詩圖一幅寒巖俗漢自堪刪

閒來步步小香山一入山門便掩關遣興獨斟無客酒
養生甘作有妻鰥梅花帳裏莊周夢柳樹樓頭黃鳥蠻
欲覺聞鐘能自省何難不藥駐朱顏

研堂詩續彙卷二

十八

閒來步步小香山羽士緇衣共往還鬪茗桐陰甌色淡
揮毫壁上墨痕殷鄰家絲管渾無意少日文章總未嫻
隨處追尋孔顏樂從今忘却鬢毛斑

閒來步步小香山薄供空王似老慳一片光明還面目
千秋盱蠻念榛菅廂開設老友
陳西林上只將題句摹金谷不用擎杯

喚黛鬟夜靜窗間梧子落舉頭惟見月鉤彎

閒來步步小香山舊雨聯牀不用板尚綸下
榻累由語到忘機無

曲折志同古調在崢嶸栖雲豈敢援丹鳳定蘭周荆山
書栖雲匾額卧雪
應教比白鷗獨立飄飄疑羽化不知此地是人寰

清明日見他家文杏有感口占二絕

東風吹面尚寒人緩步攜兒說舊聞忽見鄰牆多葉杏
飛雲化雨太繽紛

玉肌塵洗溫柔意舉酒花邊醉幾巡不似此間歌舞態
漫將腮額賣青春

丙申內子五十即事偶題三首

將稱中壽猶爲婦未報深恩又弄孫且有一椿堪慰事
老頭皮共鹿門存

時選人有
檄趣籍

頗愛仙家小有天松風蘿月也悠然蘭宮傳使非常事

研堂詩續彙卷二

十九

飽得蟠桃幾百年

題新寫行樂

山林習靜承親志

自謂

菽水言歡盡子心一任他家多傀儡

偶十年前夢不須尋

山中寄示諸兒

十一月望日燦兒移榻澹香閣

支離病骨趣移牀只傍梅枝憶澹香可得海南花九畹

一陽生後作

去

重陽

東坡在海南藝菊九畹以是日與客汎酒作重陽有菊花開時即重陽之語

題暉兒生母小影

循分辛勤已卅年呼雛鶴子慰華顛不貪桂發眼前景

翠竹蒼松鬱晚天

丁酉元旦

東窗夢覺敢從容，竭蹶趨承九九翁。家君時年八十有一四代一堂

人濟濟。予兄弟六人，孫行二十又五，曾孫行且踰十數矣。三陽始旦氣蔥蔥，惟憑恬淡全

天樂不解逢迎入世風，聞說棘闈新令改。時有性理八股五言六韻之議已

題秋扇浩歌中。樂天四十七作浩歌行，予今已過五載。

燦兒年及三十二年二十四，其生日也以兄例

乞詩率成一律示之

一瓣香傳跋祖先，其如鐵硯費鑽研。我方學易夏三歲

爾已治。平詩又十年。燦原習禮經采芹時改治毛詩羸質支持蘭茁館。病起坐蘭茁齋

軒堂詩續彙卷二

三

教適情涵養杏花天，春風消息親心慰。努力秋風在眼前

附和韻

顯

同懷祇望著鞭先，六義精於四聖研。顯受易弟受詩宿障已除

新火日知名應趁，正丁年法書工翰澹。香閣春酒歡

歌小，有天有子駸駸露頭角。好將玉樹慰庭前

又

燦

聞道何曾太極先，丹鉛徒費露珠研。歡心慙慙從今

日病骨支離，却二年貝葉頻翻無垢地。近日手書筮與數種萊衣欲

舞艷陽天，梅妻鶴子應知報。春酒盈尊艾髮前

立夏石巖花盛開夜賞將旦聞雨聲

鵝血猩紅未足誇祝融初令發竒葩乍疑司烜供庭燎
漫認臬比張去絳紗燈綴藥欄都失色月侵酒醖却增
華怪他好妒天公貫曉雨蕭蕭霧幙遮

五日南邱遣興

任他競渡不相關步履依然到水間若在聖門疑是點
雖當平世却如顏病腸怕酌蒲樽滿倦眼宜醒茗碗斑
長夏風光薄暮好槐陰月羅柳煙鬢

月中桂

次唐張喬韻
應友人徵

研堂詩續彙卷三

三

漫道山河影香飄天下同長臨搗杵畔不怕運斤風盤
結依清魄扶疎騰皓空榮枯明滅裏開落有無中未許
金如粟還疑玉作宮誰將梯筓術攀到五雲東

課幼兒讀易有會而作

莫謂童蒙未可裁卦終濡首義當推一窗新雨池塘夜
似有源頭活水來

用紫
陽語

俟後編成兒曹請付賈人作此尼之

不到長安十九年舊時朋好付雲煙身將隱矣文焉用

恥與雞林作話傳

吾廬雜詠 有序

王右丞輞川集二十詠皆以近居遊息之勝與裴
迪倡和予不敏何敢效顰惟是先人之遺澤不忍
沒而一二新構亦可自怡暇日雜詠十首略見城
市山林之槩他時遯跡邨園尚當即境綴語以成
一集但未審何日得遂此願又乏知心如裴者屬
和耳為之憮然

蒼徑

開徑七柏森增植乃得九只今起濤聲已倍先生柳

研堂詩續彙卷三

三二

二可泉

鑿地得清泉濯湘兩云便遙遙千載前盤谷有李愿

宿鳳亭

題見前第九卷彼則古蹟此則予所築

築亭襲舊名豈敢附鳳舞戢翼宿于茲庶幾得其所

蘭茁館

隔牆移桂影檐鳥答書聲不覺蘭芽長幽香入幕清

澹香池

清流何處來暗引疑真澗疎影澹如雲灩澦香片片

文竹廊

舊竹轉西垣新栽斑管細幾許事傷心那堪此多淚

花國

花國滿院花四時花不斷敬謝牡丹期獨愛孤松伴

小有天

斗室意常寬乾坤一洞巧猶可餐高霞何妨拾瑤草

燕居

先巢作蘭若月夜風鈴鳴最愴梅魂杳如聞歎息聲

栖雲山房

別館挺高梧葉落皮逾腴俗客足音稀奚童滌可免

研堂詩續彙卷二

三三

戊戌閏中秋遣懷并東尚綸三首

蘇家內子也能詩秋月翻為春月媿惱得嫦娥偏有意

全身兩現露濃時

桂當晚發爭新影人向秋深只舊叢漫道陰晴同萬里

前宵今夕可皆同

時尚綸在
海昌故云

六年有月感離人

東坡中秋月詩六年
逢此月五年照離別

却得同心一絨寄襴衫舊事溯庚申

前度閏中秋在庚申昨
得尚綸見寄俟後編序

追及子補弟子
員時正在是年

自題續詩二冊

我年二十餘學詩近天性硬語任詰盤質書刪鉅釘秘
弗敢示人欣欣竊自競偶謀問津資老蒼特就正頗邀
擊賞施災梨實話柄浸淫約廿年結習弗能屏十卷舊
編成覆瓿應無贖迄今又十載發篋盈復并暇日每紬
繹溫厚視前勝略於詩教通終苦不知病精神日就衰
鋒穎亦漸罄擬畀祖龍炬兒曹堅請訂殺青更增媿捧
心羞闕鏡

聯句

乙未荷花誕日集友四人及兒子顥於竹軒以

研堂詩續彙卷二

二十四

竹深留客處荷淨納涼時爲題聯句

雲亭并二難

燕菴

杜句豈專美曉起掃軒墀

顥

朋來卸冠

履拂檐積翠濃

尚綸

出沼含香泚草草辦茶瓜

研堂

盈盈屬

齊螳四筵快此風

仿榕

午簟清於水塵遠塵空懸

燕菴

林幽

蟬自止忘機天籟生

研堂

解縛佛陀是雜坐略主賓

半樵

高

吟嚼宮徵晨昏鯉對餘

顥

邂逅鷗盟始競病愧未諧

仿榕

王盧漫相比凭闌月已輝

半樵

洗醖露更瀾溪逸追古蹤

尚綸
花辰自今紀

顥

題楊研堂醉吟雅集編

張醇村榮源

小春天氣佳客思頗飛動倚槩山縱看抽帆風飽送偶

謁毘陵師

謂邑令謝澹齋先生

快值弘農仲其姿竹柏真其器廊廟

用學辨洛洞龍才超謝家鳳華年走燕趙名流交沈宋

當時少知音那肯受羈鞅歸尋吟伴遊深避市聲哄背

郭研堂成中圖香山供入社數正同逢花祀無空豎築

詩壘嚴廣淪詞源壅我來遇丞期君許接高踵折簡捧

長鬚鋪筵映華棟羹珍削駝峯釀厚酌牛渚圓歌激清

微古賢任嘲諷四座俱融怡羣情各陶縱醕觴主勸頻

贈言

附續集

一

濕衣客飲痛坐間能者七壁上觀者衆拓箋應鉢聲脫
手類弦控格卑齊梁陳力追風雅頌訝予腸久枯家弟
手尤重譬諸插琅玕中乃雜菲葑雕章蒙傳觀斷句略
能誦恍似聽霜鐘何異張錦幪饑腹獲饗餐頑石感磨
礪但恐易別離此會不長共

題醉吟雅集編并圖

陸錫山榮桓

康熙三十四年別研堂於暨陽四十六年相遇於
毘陵訪興賢里第三日別歸明年春暮蒙以重祀
香山先生紀事詩垂寄屬和妄用長慶集中傳舟
夸陵十七韻代書題紙尾求政原序云各取摠懷
不拘一格鄙意欲敘別易會難於本事殊略也

楚相山南文讌夕分攜衝霰下江川讓王城北迎鑾
日此地逢君各覲然久別聞聲遙識面臨岐欲去復迴
船留賓花下朝謀飲話舊燈前夜不眠自顧蒲衰行四

贈言

附續臺

二

十相期水擊尚三千虛亭寂寞東風裏古硯摩挲北斗
邊挾策曾留鴻爪印臨觴元似驥奔泉手培粉梓高岡
上謂安陽別業心契知交千載前數舉香山尚齒會疊廣長慶

好詩篇十年舊事文章在一霎離情風雨顛他夕幸看
明月共兩鄉雖隔太湖連君寧久作煙霞主吾豈能忘
詩酒筵獨往一鷗浮浩蕩遠遺雙鯉趁潺湲空山正值
攀奇樹羣萼開殘到杜鵑展卷驪珠騰碧海懷人仙侶
在瑤天買絲欲仿平原繡卷首有行樂圖搦管難摹五色煙短韻
代書言不盡索居春老又今年

既作前篇復用會昌七老會香山先生六韻紀事
寄呈諸公

千年賢達為賓主四面湖山映髮鬚
客以能文通氣誼宅如履道足遊娛
極知良友交情古舊識吾兄酒膽麤

張表兄湖翁廣陵適至毘陵亦與會

人瑞滿堂啾獨角

梁散騎侍郎顧思遠年百二十頭有肉角

詩章入律

應提扶

鳳凰止鳴曰提扶

楊枝樹好能迎舞畫手誰歟為補圖

遙作短章繼高詠可容攔入會中無

贈言

附續藁

三

